

八  
卦  
餘  
生

八卦餘生叙

鄧氏我渭陽戚好也志文公備乾初潛德允推諸舅白翁  
除地為堂顏曰文會與一時知名士講求心性微旨超出  
於名疆利鎖外先君子忠愍舊與是會如魚水相得非特  
以蘓李之契也顧語默一心出處異路公生平著作滿架  
素共忻賞晚年手訂八卦餘生先君子已脩員玉署未之  
覲也公郵寄此帙意存商榷不幸暗風吹雨石尤楊鈴未  
及序行於世而忠魂鬱鬱倏歸泉壤良足悲矣余生恨晚  
比登文會堂則志文公亦均收聲歎筆精墨妙手澤猶鮮

衰衷良久慨然想見文會中學術獨八卦餘生一帙未覩  
傳本嗣君若桂急起而詢之余具道其所以然兩人都  
禁泣下沾襟少閒余乃曰是帙所得之誦服匪伊朝夕矣  
王充論衡忍為中郎枕中之秘哉言旋後專舛費完若桂  
翁寶若球圖他日孝廉孫察復携來京邀余少事叅酌並  
弁言繫之簡首余遜謝不敏也蓋公之悅心研慮始自家  
學昉自夙齡厥後感於文毅李先生之規勸遂倍加研悅  
肆力忘疲博覽孔韓蘓程諸傳說稿凡數易如續韋編於  
一切秉承比應道理破去拘攣語非立異亦非苟同豈曰

玄之又玄實乃有而教有耳書成而八卦餘生之名授自  
夢中又以見專精之至神奇自生前輩躡天根而探月窟  
余其敢謬贊一辭乎亦惟識文會之合離與是書之隱見  
有如此云爾

大明天順元年歲在丁丑十月上澣之吉茨溪劉鉞拜譔

鄧潛溪先生本傳

先生諱夢文字志文號潛溪文會者因為文會主諸生尊之之號也原籍河南為南陽望族繫漢高密侯之裔唐中和間有蘊玉先生名璠者由尚書江西節度使權知袁州刺史事興學化民有古循吏風具載袁州郡志家于宜春之白芒傳七世曰梅魁徙居安成瓜畬遂為安福人梅魁生幼黌幼黌生民勝舉孝廉升國學民勝生慶叔兩世皆春秋名世慶叔生原高原高生平卿平卿生歸然歸然生建伯宋理宗朝與兄翰林院秘書郎賢伯同舉孝廉建伯

生亦美亦美生榮初以易經教授名播一時榮初者先生父也母周氏方孕時夢一儒冠儒服者手持文券謂自尼山來此忽異香滿室而先生生焉先生神氣軒昂語言秀爽幼見大極一圖即問其尊人曰是得毋天之形乎與羣兒嬉惟循循乎揖拜之文常臨水涯拾砂中小石排八卦形對觀默坐人咸異之元至正壬辰紅巾之變榮初公挈家避兵于湖廣醴陵項村時先生年方四歲與兄志遠同赴馬七歲讀書過目成誦必求深解始學論語即題曰二帝三王之道在是矣學孔氏之學而不志孔氏之志非士

也於是博經窮史與中原文獻之編瀛洛關閩之旨無不  
廣覽旁搜至寒暑相忘寢食俱廢雖烽火告警而先生之  
用功卒無間也既而國朝定鼎四方削平洪武十三年先  
生與其兄奉親仍返安福居瓜畬之上元田噫安成本故  
文獻地遭數十年兵燹夙學淪亡士習工巧誇詐之風盛  
而誠懇之道衰有志之士蓋茫然不知所宗矣及先生之  
返梓諸生喜曰吾等今而後得所依歸也而先生亦樂與  
接引於是除地為堂顏曰文會萃名流於其中左圖右史  
講道論德以正心誠意為本格物致知為用而詞章之學

抑末也文毅李先生嘗稱之曰講論心性頡頏程朱兩溪  
劉先生亦曰去偽存誠不偏不倚潛溪獨得其真蓋天性  
高而涵養厚耳建文元年先生丁父艱初榮初公以老年  
夙疾展轉牀第先生不離左右飲食衣服躬親承奉衣不  
解帶者數年已而風木抱恨先生粥漿不入廬墓側哀毀  
骨立草為之斑咸稱其孝行所感云永樂三年手訂族譜  
先是從兄率章偕同族西園等纂修功少完成先生取未  
竟之緒補之訂之一一剖析明備付之剞劂至是告竣當  
時詔舉賢良太史吳孟勤叅正鮑時諸公屢舉先生而先



生力辭嘗作詩以見志曰鳶魚飛躍見天真抱膝深山道  
未貧已有舉夔興治化何妨巢許逸精神又曰獨坐寒窓  
樂有餘蘆花明月自如如無端又被浮雲擾更欲移山別  
買居諸公見志不可挽各賦短章以誌其事想其遜志於  
道德性命之與不投足於富貴利達之場闢楊先聖啟迪  
後學出處一審于義行藏弗踰乎節則儒冠儒服持文之  
夢至是愈見其不爽矣永樂五年月亭小集成七年治心  
錄主敬齋集成十一年八卦餘生成先生胸無塵渣心常  
舒泰故其詩中絕無愁字卧歡喜榻飲快活春優游樂易

使人望而自化其於族黨也濟急救貧恤人猶已置南庠以供伯兄資出入必侍飲食必偕其篤厚友愛如此先生生元至正九年九月初八日壽終于國朝洪熙元年五月初三日丑時享年七十有七元配贛州馮氏子二長若桂以易經補弟子員次若桐蚤卒孫三曾孫十俱習儒業其曾孫名察者已于景泰丙子科與兄榮同登賢書茲因公車北上屬余以傳余與先生並屬安成人事蓋在所洞悉者故脩志之

論曰先生自幼岐嶷便卓卓不與羣兒伍而當羈旅倥傯

流離瑣尾之際獨能矩步先型倡明正學非所謂造次於是顛沛於是者歟洎乎國朝定鼎四方无虞復由楚歸故里苟以其積學掇巍科成名宦應自無難顧前此太祖御極親年老邁未忍廢離厥後建永之時國家多故是用韜光匿彩窮廬抱膝益以著書立說闡發聖蘊為宗今登文會之堂猶慨然想見其旨趣又何初終一節而不以貧富移情若斯也嗚呼先生之著述所謂嘉惠來學者多矣即以鄧氏而論數年之間如定齋素菴叔姪同登辛未黃甲長聰光仁昆弟並舉丙子鄉榜文章經術甲于魏邑俱從

大易噪名溯其源流皆先生衣被之遠也親炙無從景仰  
有素獨鄧氏子孫所當敬承之哉同邑西關後學路璧謨

自叙

記余總角時聞先君子言易私心慕之迨受書至加我數  
年學無大過則竊疑易之言不專為卜筮也奈時與願違  
自紅巾之變而四方不靖余地朝夕紛擾先君子雖有傳  
本俱已泯滅以故荏苒一生無所師授竟不知易所言何  
事去歲之秋李懋老忽詢余曰學易乎余曰未也懋兄言  
易之妙不可不讀時余方為小集數種未竟弗遑也今歲  
二月前集粗輯成帙乃始取易一讀之則不鮮猶之往日  
余曰易之不可及在精微若文字則聖人豈有令人不可

知者故即終不解亦當終卷因竟讀之比欲終篇微覺如  
有欲動者焉于是再一讀之及求蘊傳程傳及諸家所說  
韓康伯註及孔穎達正義參閱之因疏其所知誠以暮年  
讀易既不能深入而廢卷輒忘始識余之意非謂能解易  
也迨三讀之而所疏者改竄欲半四讀之而更覺其難也  
未竟而舐犢之戚暮年遭此不幸

考宋秉公次子  
若桐是年卒

于人世

事一切廢棄迨既事之後而憤鬱無聊姑以此書消遣因  
取前所未竟者閱之則精神頓喪情趣不揖不能復措一  
語姑分卷而輯之以為聖人之言既有所記不敢廢也是

余之讀易也嗟乎余以逾六之年始知讀易讀而又不能  
竟則余之於易益終未嘗讀也然則讀書亦有命耶雖然  
易之理微矣即竟讀亦終不能解也余故謂易不可不讀  
惟易不可讀非不可讀正謂不能讀也易之言曰一陰一  
陽之謂道又曰陰陽不測之謂神唯其道也是以神也必  
其能窮神也乃以謂知道也此非可以文字口耳求之也  
且試以六爻言之夫六爻八卦之定體也然可以象分而  
不可以辭盡使文王與吾夫子為之必當各有說而不必  
其同即周公雖為之亦不過取其意之重者非謂此爻辭

之外必再無可以說此爻者也余觀諸家之說易不過就爻辭曲解而猶有不能盡通者焉况能因卦索爻因爻索義暗合于聖實見如周公之所云云者哉至若以身為易不假著筮而自能與造化符則更邈乎不可幾矣然則自夫子而後讀易者亦不數數矣余之所疏者不過于字句之中偶得其彷彿於彷彿之中偶味其一二語以為處世無聊苟且寬譬之地不敢故異前人亦不敢盡踵前人要以言吾之所明而不敢拾人之所暗是故與程蘓及諸家之說強半牴牾又如六爻分應之說則概不敢從謂經文



無顯迹而大義且更有不合者要以實未見其然不欲作  
違心之論亦不必自以為是也名之曰八卦餘生蓋余既讀  
易而疏之夢中有授余以此名者覺而不識其所謂意者  
以此八卦畢余之餘生耶亦或以此未死之餘生知有所  
謂八卦者耶抑或別有所指者耶但既有所授之則不敢  
不以是名之以俟之將來終有所驗其所謂者亦未可知  
也

永樂十一年癸巳初冬之望潛溪居士鄧夢文自記

八卦餘生偶感

凡人心有所入。雖俚詞俗語。可以悟道。而况聖人之言乎。是故聖人之言。非徒令人為口耳之資也。將以實致其用也。第所感不同。冥會亦異。偶有所觸。因而識之。異日得以覽觀焉。

乾大象

坤大象

訟九四

比大象六三

泰九三

大有上九小象

謙上六

蠱六四

觀 六二六三九五上六

无妄 上九

大過 大象九三九五

咸 上六

遯 九五

大壯 卦辭

豐 彖辭

節 上九

中孚 卦辭

繫辭下傳第五章

天下何思何慮

日往則月來

易其心而後語

聖人之言。微上微下。而吾人之心。有觸則興。不遇此事。不足以知聖人之言。如是之有味。不引聖言。不足以知吾人之遇。如是之可安。使余能早得而讀之。當不顛蹶多事後之悔。使余能再熟而味之。亦當不寥寥止如是之數語也。然即此之數語。苟能實體而力行之。亦足以終身所恨觸之而動。置之而忘。則猶之未嘗讀也。姑識之於此。得以自簡閱而警省焉。

### 八卦餘生記臆

釋伊川蘓子瞻。以及諸名家。皆沉酣于易者。各有傳註。非

一日之積也。余以初讀之人數年之力所見幾何而敢與之論是非乎。然竊窺之陰陽不測之神似皆傳註所未能及。而就爻辭敷論則不過人言其意耳。伊川每以道學之言說經時或失之迂僻。而子瞻動輒作闕。謂某爻往應某爻。為某爻所隔。幾于無卦。不然。妄謂皆非聖人立言之意也。惟晦翁說易最平。每言其爻不可曉。不作強解。余是以益信強解者之遷就也。初意原不敢作異。故未曾記錄。後乃稍記其乖異者而存之。欲便于簡閱。以為考訂之便。但恐力不能及。然而亦已略矣。

蒙 初六

小畜

否 六三 九四

同人 九五

謙 上六

豫 九三 九四 六五 上六

隨 彖 初九 上六

蠱 六四

臨 六四 上六

觀 六二 六三 九五

噬嗑 六二

賁 六四

剝 六五

復 六四

无妄 六二 九四

頤 六二 六三 六五

大過 九五

坎 上九

離六五

下經

遯九五

大壯彖

晉

明夷九

蹇初六九三上六

解初六

損

益六四

夬九五

萃初六六二六三

升九二九三六四六五

革九三九四上六

鼎九三

震彖六二

艮卦辭

漸九五

豐六五

旅上九

兌九五上六

渙六三六四

中孚六爻

小過

既濟九五

未濟九二六三六五上九

八卦餘生論應

子曰六爻發揮旁通情也。然則一爻不究極其理不足盡卦之變。今之論卦者必以初應四二應五三應上一定而不可移。及觀經文則未有見其確然不易者。今之正應之



說每有背馳及其不可通每多遷就吾是以疑之也且夫  
兩卦合而成卦是分之固為兩卦及其合而成卦名則一  
體矣惡有一體之中必以下體某應上體某而其餘之體  
僵然不相屬者乎夫聖經未嘗不相應也細觀其所謂應  
者不過剛柔剛柔一卦之通義也剛柔不分上下何以相  
應然必定就某爻應某爻一誠不可移易恐無此理故簡  
經之明白論應者略舉數卦得以考質焉

蒙 彖

師 彖

履 彖

同人 彖

臨彖

无妄彖

大畜彖

睽彖

損六爻

升彖

鼎彖

八卦餘生論五位

天尊地卑。君臣定矣。君臣。天地之大義也。乾九五飛龍在天。則五之為君位。確乎不可易矣。然亦就乾卦論之也。而一經之大體。括于此矣。譬如春秋隱公元年。春王正月。尊王也。而春秋一經。大體已盡于此一言中矣。其餘年分可

以言可以不言。易亦然。諸卦之五。可以言君。可以不言君。每見諸家逢此文。必強以君而言。而於尊君之義。反無當焉。往往以遷就失經義。如損卦。更不可以為訓。更不敢從。所以大一統而尊君也。故撮程傳之有據及文辭之不可通者。質之得以攷閱焉。

同人 九五程傳

剝 六五

明夷 六五

夬 九五

艮 六五

漸 九五

旅 六五程傳

既濟 九五

未濟六五

八卦餘生論變

易之道每至三爻而變蓋有常有變天下之理有不主於專執者所以為易也然亦有不必於三而變者則所值之時所處之位不同不可以律齊也姑記數卦

賁

初九上九

明夷九二

升九二

八卦餘生目錄

第一卷

乾

坤

第二卷

屯

蒙

需

訟

第三卷

師

比

小畜

履

第四卷

泰

否

同人

大有

第五卷

謙

豫

隨

蠱

第六卷

臨

觀

噬嗑

賁

第七卷

剝

復

无妄

大畜

第八卷

頤

大過

坎

離

第九卷

咸

恒

遯

大壯

第十卷

晉

明夷

家人

睽

第十一卷

蹇

解

損

益

第十二卷

夬

姤

萃

升



第十三卷

困

井

革

鼎

第十四卷

震

艮

漸

歸妹

第十五卷

豐

旅

巽

兌

渙

第十六卷

節

中孚

小過

既濟

未濟

第十七卷

繫辭上傳

第十八卷

繫辭下說卦傳

序卦傳

雜卦傳

八卦取象歌

☰乾三連

☷坤六斷

☳震仰盂

☶艮覆碗

☲離中虛

☵坎中滿

☱兌上缺

☴巽下斷

分宮次序歌

乾為天

天風姤

天山遯

天地否

風地觀

山地剝

火地晉

火天大有

坎為水

水澤節

水雷屯

水火既濟

澤火革

雷火豐

地火明夷

地水師

艮為山

山火賁

山天大畜

山澤損

火澤睽

天澤履

風澤中孚

風山漸

震為雷

雷地豫

雷水解

雷風恒

地風升

水風井

澤風大過

澤雷隨

巽為風

風天小畜

風火家人

風雷益

天雷无妄

火雷噬嗑

山雷頤

山風蠱

離為火

火山旅

火風鼎

火水未濟

山水蒙

風水渙

天水訟

天火同人

坤為地

地雷復

地澤臨

地天泰

雷天大壯

澤天夬

水天需

水地比

兌為澤

澤水困

澤地萃

澤山咸

水山蹇

地山謙

雷山小過

雷澤歸妹

上下經卦名取象歌

乾坤屯蒙需訟師

比小畜兮履泰否

同人大有謙豫隨

蠱臨觀兮噬嗑賁

剝復无妄大畜頤

大過坎離三十備

八卦除生

卦歌

士

文會堂

咸恒遯兮及大壯

晉與明夷家人睽

蹇解損益共姤萃

升困井革鼎震繼

艮漸歸妹豐旅巽

兌渙節兮中孚至

小過既濟蕪未濟

是為下經三十四

卷之一

夢文潛溪手著 裔孫



乾下

乾元亨利貞

乾純陽之德也。元亨利貞而天地之德盡統于乾矣。又  
嘗私心論之。元亨陽德也。利貞陰德也。乾兼而有之。則  
陽之德固足以覆冒乎陰。而包乎坤者也。

元亨利貞。他卦亦有之。其實與乾不同。乾統天地之全

體而言之也。元即大德教化天下之大本也。亨即小德  
川流天下之達道也。生物成物是之謂利。於穆不已是  
之謂貞。他卦則不過就一時一事一人言之耳。非乾比  
也。

### 初九潛龍勿用

初之時為未用。其德為潛龍。勿用者。權在我也。可以潛  
則潛。人欲見之。且不得。况得而免之乎。占得此者。體其  
潛而可矣。

九二見龍在田利見大人



見則難潛矣。田者，百姓之所以養也。龍行雨施，見而在田，膏澤下矣。利見大人，行義以達其道也。天下有道，君子用行之時也。

### 九三君子終日乾乾夕惕若厲无咎

去潛而用世，適日亨。位日尊，日處富貴之地，無論他人心志，易以驕怠。即君子亦未免以行道為樂，故不忌戒懼於此，尤加謹焉。如此，則雖歷試諸難，厲而无咎矣。所以然者，無道之世，恐時負我咎自外來，故以危行言孫者，守其潛，有道之世，恐我負時咎自內作，故以日夕乾

惕者善其見孟子曰天下有道以道殉身是也程傳  
以屬為君德已著天下將歸之其危懼可知豈君子修  
道皆欲為天子耶何可訓也

### 九四或躍在淵无咎

淵則未離于潛躍則將欲見矣九陽四陰有其德而未  
有其位.在出處未定之時故其象如此蓋隱居以求其  
志而非以自為也行義以達其道而非以求人也無可  
無不可之時也退之雖有獨善之美而進之未有兼善  
之功故但无咎而已二在田而四乃在淵者二見也天

下知其道也。不可言潛。故以田言之也。四躍也。自欲以有為也。未及用而欲乘時。故以躍言之。淵。龍之所處也。九五飛龍在天。利見大人。

九五之位。天位也。飛龍在天之時也。際此之時。聖人在天子之位。是為明良遇合。同心共際之日也。故利見大人。如舜利見乎堯。傳說利見乎高宗也。大人。即飛龍之大人也。蓋聖人有得君之時。故際此時而利見。言利見則有不利見者矣。利見者。惟此時為然也。程傳謂利見在下。大德之人。甚為不然。為天子者。豈有不利見賢

人君子之時哉而何必此時耶

### 上九亢龍有悔

此以德驕者也。有德有位而不能善持。故將乘之。詩云。靡不有初。鮮克有終。子曰。如有周公之才之美。使驕且吝。其餘不足觀也矣。亢龍有悔之說也。程傳乃云九五位之極。中正者得時之極。過此則亢矣。殊不可解。位至天子極矣。過此將何之。豈欲為上帝乎。既云中正者得時之極。若過則何足為中正。乃云至於亢極。是又進一步而後為亢也。殊說不通。

用九見羣龍无首吉

孰見之用九見之也。六爻各有用。而此則六爻之九俱用也。於此用九之爻。而見羣龍俱用。而莫識為首也。是雖有陽德。而不敢為天下先。故為見羣龍无首也。君子雖剛大之氣。有所不可撓。而溫恭之德。亦有所不可亢。不亢則无悔。故吉。占得此者。知所以用剛矣。註謂即坤卦利牝馬之貞。非也。彼純陰之體。此陽體而陰用之也。當必有辨矣。

彖曰大哉乾元萬物資始乃統天

乾元即乾元亨利貞之元也。四德雖並稱而皆統于元。大哉乾元贊之也。萬物皆資乾元以始而天之道盡于此一元之中矣。故曰統天。

### 雲行雨施品物流形

雲行雨施。溥漫于天地之間。而品物流形。生生化化。無有窮息。所謂乾德之亨也。

### 大明終始六位時成時乘六龍以御天

大明即乾元也。終而復始。流而不息。循環于無窮也。六位時成。即六爻之位。易雖未作。乾元立而六位成。乃天

道自然之實用。以資始萬物。而乾元以時乘此六龍。以御天。而為萬物之宰。而天地之能著。天地間矣。乾元即天主于上。而分布衆職于下。故曰乘。曰御。本義大明為聖人。大明乾道之終始。乘此六陽以行天道。非也。此方言天道。忽插入聖人。一語未終。雜入他語。無是理也。夫謂聖人御天。天可御乎。世謂天子御天者。本此文也。以象言之耳。非實事也。蓋先有御天者。而後取法之以隆天子之尊稱。安得遽以此為聖人之事。且此方言乾元亨利貞未竟。亦不容遽入聖人。

乾道變化各正性命保合太和乃利貞

乾道變化無窮而後萬物各正其性命生物太和也悠久無疆萬古如一日而無變保合太和也乃利貞乃之為言如此而後利貞也此見四德統于一元故曰大哉乾元也元亨利貞雖云四德然以其用言之有四而以其體言之則一而已總括于乾元之中也

首出庶物萬國咸寧

大極渾然無可指言聖人命之曰乾元主宰于上六龍効其職萬物正其命是首出于庶物之上而普天率土



咸若干下。乾元之所以為大也。程傳本義俱以聖人為首出。亦大早。

象曰天行健君子以自強不息

卦成而天地之情見。君子每得一卦。必反之身。而求一卦之用。因天之健。而得不息之道。不息即天也。然天自然。而然人必自強。而後能也。強也者。勉而行之。自強也者。不能貸功于人。也。

潛龍勿用陽在下也

乾陽德也。而陽有時而在下。陽何嘗不潛。然則能信而

不能誠者。乃強陽。非真陽也。

見龍在田。德施普也。

君子一出。而為雲為雨。非偶然而已也。

終日乾乾。反復道也。

反復道者。動息必以道。所謂無終食之間違仁是也。

或躍在淵。進无咎也。

躍非君子之所貴。而云然者。不以道私其身。可以進則進。故不以為咎也。

飛龍在天。大人造也。

造猶作也。大人開物成務，闢洪濛而文明之，所謂上下與天地同流，豈曰小補之哉。

亢龍有悔，盈不可久也。

知盈之不可久而處盈者，宜知懼矣。

用九，天德不可為首也。

天德也，而不可以為首。陰陽所以相須，剛何嘗不柔，以上六爻之小象也。

文言曰：元者善之長也，亨者嘉之會也，利者義之和也，貞者事之幹也。

此節就乾論德而發揮之。○均善也。有長次乎。長之為言。萬事萬物皆從此出也。物莫不有亨。而曰亨嘉之會。然則不嘉。雖亨亦不足以言亨矣。是知天下無善外之福。義之和為利。是知天下無義外之利。故君子義以為質。而禮孫信輔之。義而不和。亦義之病矣。貞為事之幹。是以疑行無名。疑事無功。而二三之心。不可以集事。曾子曰。士不可以不弘毅。貞之謂也。

君子體仁足以長人。嘉會足以合禮。利物足以和義。貞固足以幹事。

以身體乎仁。如以身為仁之質。所謂人能弘道者。是也。禮者。天地之節也。君子為嘉會。乃始足以合禮。大而無形。會嘉而有象。故也。義者。天下之制也。然必利物。乃始足以和義。不能利物。而但以名強人。不利亦不義矣。是非錯雜。利害交怵。苟非貞固。有隨人而靡耳。何事之幹。長人合禮。利物幹事。又推言之。乃四德之用也。

君子行此四德者。故曰乾元亨利貞。

在天為元。亨。利。貞。在君子體之。為仁義禮智。元亨利貞。天道也。仁義禮智。人道也。然則謂乘六龍以御天。為聖。

人之事者真誤矣。

初曰潛龍勿用何謂也子曰龍德而隱者也不易乎世不成乎名遯世無悶不見是而無悶樂則行之憂則違之確乎其不可拔潛龍也

偶因此思之凡士之欲進而不必能退非盡瘁于富貴也子曰君子疾沒世而名不稱焉不有所藉資何以行其志而見知于世以成其名是故謂岩棲非終老之計而思以試其長者有之或有已仕而未得竟其志思欲再求一用以圖有所樹立者有之子曰龍德而隱者也

不易乎世。不成乎名。遯世無悶。不見是而無悶。然後知  
聖人之大也。雖未嘗有所逃名。而名不為苟成。遯世無  
悶。有大于名焉者矣。若不見是而無悶。更難。所謂舉世  
非之而不顧。以一身立于是非毀譽之外。非不愧不怍。  
自信之定。其孰能之。樂行憂違。聖人何嘗不用世。亦何  
嘗以世自重。必如是而後謂之潛龍。初亦何可易言。豈  
僅一爵祿可辭而已也。

九二曰見龍在田。利見大人。何謂也。子曰龍德而正中者  
也。庸言之信。庸行之謹。閑邪存其誠。善世而不伐。德博而

化易曰見龍在田利見大人君德也

在田利見離潛矣信言謹行閑邪存誠猶之乎家修之  
常不以用世稍懈分出處為二也善世而不伐所存有  
大焉者矣德博而化君子亦不自知也君德也者所謂  
大人之事脩矣

九三曰君子終日乾乾夕惕若厲无咎何謂也子曰君子  
進德修業忠信所以進德也修辭立其誠所以居業也知  
至至之可與幾也知終終之可與存義也是故居上位而  
不驕在下位而不憂故乾乾因其時而惕雖危无咎矣



主忠信。崇德也。故忠信所以進德也。躁人之辭多。吉人之辭寡。故修辭立其誠。所以居業也。修辭慎辭也。居之為言安也。誠立而業乃不遷也。天下事必有所至。知其所至。即與至之。如一簣而見為山。非有前定之識。不能幾在事先。故可與幾。知幾之君子也。天下事必有所終。知其所終。即為終之。是非不能奪。利害不能挫。如水萬折而必歸于海。惟義所在。定力如山。故可與存義也。天下事非知幾不能決。非立義不能成。至與終。略相似而用不同。不驕不憂。上下無所不宜也。君子求諸已。故無

時不惕。雖危无咎。豫也。危其所時值而无咎。則在我也。所以發之于九三者。三處上下之間。進退之際也。

九四曰。或躍在淵。无咎。何謂也。子曰。上下无常。非為邪也。進退无恒。非離羣也。君子進德修業。欲及時也。故无咎。

三四進于二矣。夫子所以釋之者。皆不如二。乃知爻各論其所適。非以相承也。程傳謂淵者龍之所安。在淵謂躍就所安。淵在深而言躍。但取進就所安之義。此數語者。不能無疑也。龍自處淵。何須躍而就之。今來躍就。向在何處。潛不在淵。何以為龍。且以淵為龍之所安。然則

在田為失所矣。何以反為美耶。淵在下。亦不當言進就。故吾謂或躍在淵者。在淵而躍也。躍有動之義也。欲動而未大行也。然二則言德施普。而四乃言欲及時。何也。真西山曰。易以二五為中。故九二曰。龍德正中。九五曰。飛龍在天。皆以得中故也。初則勿用。三則危。四則或上則悔。夫乾天德。聖人之事也。必以中為貴。以不中為戒。則天下之至善。豈有過于中者乎。

九五曰。飛龍在天。利見大人。何謂也。子曰。同聲相應。同氣相求。水流濕。火就燥。雲從龍。風從虎。聖人作而萬物覩本。

乎天者親上本乎地者親下則各從其類也

同聲相應同氣相求。是聖明在御與賢人君子聲氣相  
孚。其曰雲從龍風從虎。明是以風雲從龍虎。是風雲為  
利見而龍虎為大人也。吾謂利見飛龍之大人。或亦不  
妄。不然。雖有聖人在下。而不遇聖主。誰為應求。如夫子  
是也。何利之有。

上九曰亢龍有悔。何謂也。子曰貴而无位。高而无民。賢人  
在下位而无輔。是以動而有悔也。

貴何以無位。不當權也。無位則无民矣。而又無賢人相

補助則不可以有為也。此見在上者亦有不得時之日。但當靜以養晦。則可以无悔。若不度量而妄欲舉動。則悔不可追矣。不言咎而言悔者。咎自外作。人為之也。悔自内生。已為之也。在人者不可必。惟求內省不疚。在己者宜慎重行法。以俟命而已矣。

### 潛龍勿用下也

下謂士處下也。處下則不宜求用。人不得而舍之。所謂幾也。

### 見龍在田時舍也

### 八卦餘生卷一

乾

三

文會堂

德施普何以言舍未得大用而竟其施乎

終日乾乾行事也

行事行已之事也至誠無息故終日乾乾不論進退也

或躍在淵自試也

自試者有自己程量之意子路之率意冉求之足民公西華之禮樂皆在淵而或躍者也夫潛而欲用可乎子曰如或知爾則何以哉非求人也何妨

飛龍在天上治也

有聖人之德而又得時得位以成治于上古今全脩者

能有幾人。

亢龍有悔窮之災也

上九窮矣不能靜而動窮中之災所宜有也。

乾元用九天下治也

乾元也而用九剛而能柔所以治也。

潛龍勿用陽氣潛藏

時之不能不秋冬也君子之不能不隱伏也天道也有陽氣雖潛藏可也不失為化育天地之所以大也能求志雖隱居可也不害為唐虞聖人之所以神也舍之則

藏未易言也。若但言潛而已矣。猶介之士。逸民之儔也。不足以當此。

### 見龍在田天下文明

聖賢用世。政令一新。如和風之披拂。如膏雨之滋潤。生意充滿。萬物昭蘇。耳目為開。精神若爽。宇宙景色煥然。改觀天下文明。自不同也。

### 終日乾乾與時偕行

可以進則進。可以止則止。惟時之宜。

### 或躍在淵乾道乃革



革變也。乾道變化。革潛而躍。亦時之所宜然。君子出處。關天下治亂。非偶然而已也。

### 飛龍在天乃位乎天德

乾六爻皆天德也。而不得位。惟五乃位乎天德之位也。亢龍有悔。與時偕極。

時極宜變。亢而不知變。與時俱極。悔不亦宜乎。變之云者。日往則月來。寒往則暑來。是也。

### 乾元用九乃見天則

剛而不過。天之道也。乾元也。而用九是能用于剛者也。

故于此見天之則焉。

### 乾元者始而亨者也

有乾元然後萬物有所始萬物既萌無不暢遂是始而亨。覆說者見乾元能始而又能亨也。

### 利貞者性情也

美利萬物而無間歇是天地之性情。性情天地之用也。涉于萬物則性情萬有不同而各盡其性各得其情所謂乾道變化各正性命是也。非以性情為利貞。性情有之以為用是之謂利有常而不變是之謂貞。利貞在性。

情之中也。成性成情，便是利貞。不但收歛歸藏。

乾始能以美利利天下，不言所利大矣哉。

總結乾元極其功而贊之不言，無可指言，所謂蕩蕩乎，民無能名焉，是也。

大哉乾乎，剛健中正，純粹精也。

總言乾之德，剛健中正，乾之體也。純粹精者，所謂為物不貳，則其生物不測。

六爻發揮，旁通情也。

乾之德，乾元盡之矣。六爻發揮，就其端緒，以盡其變。

九三九四重剛不中上九亢龍有悔皆非德之至者然  
盈虛消息之道具焉故亦足發揮乾道

時乘六龍以御天也雲行雨施天下平也

此乾元之神氣也時乘六龍莫觀其倪雲行雨施莫測其自萬物利賴莫  
知其仁子思曰夫微之顯誠之不可掩如此夫必謂為聖人之事何其小也  
君子以成德爲行日可見之行也潛之爲言也隱而未見  
行而未成是以君子弗用也

凡執德而不可行者無用之腐德也君子以其成德為  
行是實德可以見之行也然而潛者隱而未見則無其

位也行而未成則無其力也是以君子弗用舍之則藏  
不以其德之可用而必欲強行以與時爭也此又言君  
子所以體乾之德也

君子學以聚之問以辨之寬以居之仁以行之易曰見龍  
在田利見大人君德也

學以聚之則無遺理問以辨之則無疑事寬以居之則  
有餘地仁以行之則有餘澤此言君子所以覆冒天下  
者皆實學實理非有奇異也

九三重剛而不中上不在天下不在田故乾乾因其時而

惕雖危无咎矣

上不在天。非天德之位也。下不在田。非時舍也。出幽遷  
喬。獨行其道。萬物待命。任鉅事艱。道雖可以濟。而心則  
無時可忽。惟乾惕不寧。雖危可以免咎。

九四重剛而不中。上不在天下。不在田中。不在人故。或之  
或之者。疑之也。故无咎。

程傳。謂不在天。不在田。而出人之上。非也。四未見所處  
之位。何以云出人之上也。然則何在。在淵也。淵潛而具  
大有為之業。真所謂神龍變化。令人莫可測度者。此其

人間世而一有不可以為恒故或之謂間或有是人也  
疑之者有無不定之辭即不恒有之謂有善世之德乘  
文明之時何咎之有凡乾卦之有悔无咎皆與常卦不  
同未易輕言之也

夫大人者與天地合其德與日月合其明與四時合其序  
與鬼神合其吉凶先天而天弗違後天而奉天時天且弗  
違而況於人乎況於鬼神乎

與天地合德聖人即天也故凡聖人之所措置一天道  
之流行先天而天弗違者人世未起之經綸天不言而

聖人創之天以為宜也。人者經綸中之人也。修道之謂教。孰能違之。聖人者。參贊天地。位置鬼神者也。鬼神雖司吉凶之柄。實奉聖人之道。以為衡量。安能違聖人耶。此聖人在天子之位。九五飛龍之大人也。

亢之為言也。知進而不知退。知存而不知亡。知得而不知喪。

凡人之不能見幾識微者。非盡貪昧也。履豐處順。未必能先事憂虞。懷道嫉俗。又不能隨人首。是故有失時而強與造物爭。獨立而強與小人爭。負才而強與功業



爭因而自蹈于悔者多矣。其發念未嘗不正。任事未嘗不勇。然而有不可為者。則亦當揆時量力。奈何其不然也。凡此皆道之所忌。而亢之為害也。故又以上九特指而丁寧言之。此為大賢以下者。箴規也。蓋君子憂世心熱。不忍坐視于君民上下之間。往往憤死不顧。其情最為可悲。故聖人動色戒之如此。桀溺曰。滔滔者天下皆是也。而誰以易之。知此也。

其唯聖人乎。知進退存亡而不失其正者。其唯聖人乎。

何以知為大賢以下者。箴規也。承上文曰。其唯聖人乎。

故知聖人之所戒者必其可戒也。又曰知進退存亡而不失其正者其唯聖人乎。子謂顏淵曰用之則行舍之則藏唯我與爾有是夫。固知此事未易言也。既云知進退存亡而又云不失其正豈有知進退存亡而失其正者乎。此中難言之矣。夫子處潛之時而棲棲不遑是潛而不以潛用而又未嘗失其潛。逸民辟世諠非不高其視聖人則不啻懸殊矣。此其所以難言也。故曰其惟聖人乎。聖人無可無不可者也。

乾之為道也。天地之道盡於是矣。以元亨利貞統乾之

體以六爻發揮披露乾之情而聽人占之玩之以為各人所遭之用而人事亦具矣而其實卜筮不足以盡乾乾亦不專為卜筮也故聖人極言之反覆讀之莫能窺其端倪蓋微乎微乎就經文略得其似而易正未易言也

三三三  
坤下  
三三三  
坤上

坤元亨利牝馬之貞君子有攸往先迷後得主利西南得朋東北喪朋安貞吉

坤者對乾而言之也陰陽相為對待坤配乾也坤統乎陰故有乾元有坤元坤元者天地之初止有一陰一陽

而瀰漫于天地之間。而無所雜也。坤元能生物。暢遂充  
滿。是其亨也。亨則利頗弘矣。牝馬順也。以順而貞。所以別  
于乾也。程傳。以為坤備四德。利句絕。朱子以利字屬下  
文。要之程說為長。然吾謂利亦不必句絕。當以元亨利  
牝馬之貞作一句。仍是元亨利貞。但貞加牝馬。以別于  
乾耳。牝馬則已矣。何以言牝馬之貞。馬豈能貴之以  
貞乎。故牝則屬馬。貞則歸坤。言坤如牝馬之順而貞也。  
蘓傳曰。龍變化而自用者也。馬馴服而用于人者也。言  
乾坤取象之義甚當。君子有攸往。以下似繇辭為占。

者言之非言坤也。蓋坤亦元亨利貞。占此者而卦異用。不同於乾也。不然以配乾之坤元與天同體何迷何失。東西南北無非本體何得何喪。又何不安不貞之有。而又何吉之可言哉。卦體柔而順故君子有攸往處陰固先迷終順故後得純陰而無與爭且坤能生物故主利西南得朋應乎坤之陰也東北喪朋失乎坤之常也安貞吉安以應地之靜貞以應地之久故吉此用坤之道也。

彖曰至哉坤元萬物資生乃順承天

无土不生无陰不成資乾以始資坤以生陰陽和而萬物得是順以承天也。

坤厚載物德合无疆含弘光大品物咸亨

地之功所以同天也。

牝馬地類行地无疆柔順利貞君子攸行

此又申言所以取象之義得柔順利貞之道君子法之以攸行也。本義謂言利貞蓋因有利貞二字故也。意似未安蓋乾有乾之元亨萬物資始雲行雨施品物流行大明終始六位時成時乘六龍以御天是也。坤有坤之

元亨。萬物資生。厚德載物。合乾之无疆。含弘光大。品物咸亨。是也。坤不如此。無以承天。故各指而言之。若利貞。則坤與乾同之。子曰。利貞者。性情也。註云。收歛歸藏。乃見性情之實。夫收歛歸藏。陰之成物而有終者也。成物者。利有終者。貞也。程子以為便是各正性命。夫坤亦未。有于萬物各正性命之外。而另有一利貞者也。故吾以為合而不可分。雖不釋坤之利貞可也。不然。坤即地也。彼行地者。又誰行之也。以其行地者。以釋地。以贊地之利貞。不亦小乎。故吾以為此申言取象之義。言牝馬有。

柔順利貞之德。君子法之以為行也。

先迷失道。後順得常。西南得朋。乃與類行。東北喪朋。乃終有慶。

註謂反之西南。則終有慶矣。玩經文。无反西南之說。程傳。謂離其類而從陽。則能成生物之功。終有吉慶也。亦又不然。道惟乾與坤而已。今言離類從陽。豈又有一物與坤為類者乎。坤成生物之功者。豈皆絕其類以從乾者乎。然則此類坤者何在。坤何時與之為類。又何時離之以從陽也。既離之矣。仍有相從之時否耶。且離此從



彼何不貞如之。又何以配乾而成其生物之功耶。凡此  
皆理之最不通而說之最紕謬者。何不思之甚也。故吾  
斷以為此皆取坤之象言之。以為占者告也。蓋惟君子  
然後有朋。惟人事。然後有迷。有得。惟趨避。然後有東西。  
有南北。惟卜筮。然後有失。有慶。若就中所以然之故。惟  
聖人知之。未可易測也。姑就本文言之。失道故迷。道如  
道路之道。惟迷故失道。惟順道故得常。得常者。得其故  
常。但守而不失耳。非有大益也。與類行。獲所求也。喪朋  
失其侶也。乃占之不吉者。終有慶。凶中有吉也。卦之大

意如此也。

安貞之吉應地无疆

此明謂君子得安貞之吉。則可以應地之无疆。是大人與天地合德之說。程傳謂陰體柔。故從于陽。則能安貞而吉。應地道之无疆也。陰而不安貞。豈能應地之道。是又以陰與地分而為二。有是理乎。

象曰地勢坤君子以厚德載物

地以勢言。舉其形也。人肖天地以生。地之含弘光大。若是其无疆也。反之于身。而知所以取法矣。不能載物。何

以全皆脩之體。不厚其德。何以載物。曾子曰。士不可以不弘毅。體之于坤也。

### 初六履霜堅冰至

坤純陰也。聖人就陰得義。故感于初爻而知陰之欲動。感于履霜而知堅冰將至。蓋天下自然之理。必至之勢也。而君子小人之消長。具于一爻中矣。

### 象曰履霜堅冰陰始凝也馴致其道至堅冰也

曰。馴致。則非一朝一夕之故也。然而莫有覺焉者。如寒以漸而至。習而不以為異也。惟君子為能知微而有無。

如之何者數也。

# 六二直方大不習无不利

純陰也。而二又得位。故能具坤之德。以象人事。非以贊坤也。直方大。坤有此德也。其在人。則直而不可曲。方而不可遷。大而無所不包含。習者。勉而能之。不習者。體成于自然。君子之載物也。如地。生之惟我。成之惟我。何不利之有。

# 象曰六二之動直以方也不習无不利地道光也

直方大。坤之體也。然必于六二之動見之者。蓋靜而直。

方易也。動則不能矣。六二得坤體之正。動亦坤之運也。故動乃見其直方耳。地道光者。惟體合自然。而無利萬物。乃能盡地道之用。而地道為之光耳。

六三含章可貞。或從王事。无成有終。

坤以純陰而履陽位。有欲動之機焉。然而承順自若。未嘗先陽也。君子雖有格天之業。無加于性分。無可矜異之時。况未有所為。而敢以章美自炫乎。露才揚已。淺之淺者。取忌未暇論也。故含其章而貞之。含之者。有若無貞之者。德可久也。以之從王事。亦從其時之可為而為。

之功歸于君而不居其成事職于身而克盡其終地道  
承天而不敢尸其功君子讓善而不自大其事

象曰含章可貞以時發也或從王事知光大也

含章可貞一似木訥無用之人而實非木訥無用之人  
也未遇其時不敢為天下先匹夫匹婦皆能勝予既遇  
其時不敢為天下後肩鴻任重無所與讓也蓋惟其有  
之是以能含能貞能發惟其知之光大是以能任伊川  
曰惟其知之光大故能含晦淺暗之人有善惟恐人不  
知豈能含章此語甚佳含也貞也發也從也總之知足

以知之也。

# 六四括囊无咎无譽

純陰而又處陰位。用晦之時也。則有括囊而已。非以苟容也。其默足以容也。无咎无譽。不為人所知也。乃知譽以咎鄰。君子譽之。則小人咎之。名之所成。毀之所起。對待之理也。括囊自守。以絕咎譽。未易言也。囊所以盛。括則隱其囊中之所有。而不自炫異。故不取忌。保身之術也。象曰。括囊无咎。慎不害也。

象不言譽。而單言无咎。正欲人之慎之也。苟不取名。禍

斯遠之矣

# 六五黃裳元吉

程傳以黃裳為元吉則居尊為大凶可知謂臣居尊位如羿莽婦居尊位如女媧武氏故有黃裳之戒隆山李氏以乾之九五為堯舜坤之六五為皋夔其理甚長所謂乾坤對待而余謂爻不必定有端指似亦暗合蓋必如此而後見乾坤之大為六十四卦之主余偶有此意而李已先之不敢妄附然斷宜從之雖然又有說焉坤六雖陰而位不能不五五寶君位不可諱也黃裳坤德



也。元吉。黃裳之應也。曰六五黃裳元吉。六自有五之位。自有黃裳之德。自有元吉之應。非聖人戒之也。子服惠伯之論。因黃裳之義而推之。乃占易之法。非正解經文也。然則何以言之。此之六五。而母后垂簾之事也。雖云天無二日。幼主不可不謂之主。然女后垂簾。實履尊位。幼主雖同御。而旁侍不敢並。亦不可謂不君也。以聖母處尊。不失為女中堯舜。是所謂黃裳。天下實有是時。國家實有是遇。携幼主于中天。措宗社于磐石。可以告之天下萬世而無識。何吉如之。裳雖下飾。而女后履順。因

未害其為黃裳也。豈必盡為羿莽武姆也哉。

象曰黃裳元吉。文在中也。

文在中。雖處尊。亦不敢炫異也。君尊默運于上。而百工效其職。何事為君之功。何事非君之功。君不作聰明。以自表暴。斯天下之大功集焉。

上六龍戰于野。其血玄黃。

泰極則姤生。剝極則復至。陰陽迭運。四時代興。無所謂爭也。此之戰。其一時沴氣之所為乎。而余以為此當專以人事論之。是以水至柔也。而壅之則崩。陰至順也。而

極之則戰天下之事未有不始于微而敝于著慎之于始而已矣

象曰龍戰于野其道窮也

道窮不但陰道窮而不能下陽道亦窮而不能制矣恩極生怨而敗俱傷至于玄黃之時所損甚矣

用六利永貞

純陰也而六爻俱變駸駸乎不有其舊矣故利永貞永貞不變雖有攸往可矣

象曰用六永貞以大終也

坤順以承天。是謂能輔陽。六陰俱變。則不順矣。極而至  
于戰。與陽為敵。不復相成矣。惟永貞。則能以靜守動。以  
常處變。而陰陽相得。是能輔陽。而與陽相終。可謂大終  
矣。大終。大其所終。配天者也。

文言曰。坤至柔而動也剛。至靜而德方。

陰柔而用不可禦也。體柔而動剛也。陰至靜。而生生之  
理不可易也。體靜而德方也。

後得主而有常。

天先而地後。故後為得其所主。程傳。謂主不當有利字。

不成文理有常。生物有恒也。

# 含萬物而化光

蘊含萬物。而其化光美。

# 坤道其順乎承天而時行

其順乎贊之也。必如坤之道。而後可以言順也。上承乎天。而脩時以行。時生而生。時藏而藏也。以坤道觀之。凡剛方不足而柔者。非柔也。不能處後而有常者。非柔也。不能含萬物而順承者。非柔也。柔者。天地之順德。剛之收歛者也。故柔則必直。必大。必方。凡無骨之柔。以狐

媚為事而無陽氣可取者乃陰柔之賊也不可以言柔也釋彖辭也

積善之家必有余慶積不善之家必有余殃臣弑其君子弑其父非一朝一夕之故其所由來者漸矣由辯之不早辯也易曰履霜堅冰至蓋言順也

臣之弑也生于寵極子之弑也生于驕極夫驕與寵非以誨弑也然而禍亂恒由之而作梟獍之心不識恩與愛為何事習于驕寵而無檢制則心目肆而氣日悍以無厭之心處無節之地惟日見君父之過而不自知其

非患怒所積不至于弑不已。是以貴慎之于早也。慎之奈何。亦曰禮而已矣。梟獍何知有禮。第禮制于毛羽未成之先。不使之習于狂悖。或庶幾乎然而難言之矣。釋初六爻也。

直其正也。方其義也。君子敬以直內。義以方外。敬義立而德不孤。直方大。不習。无不利。則不疑其所行也。

能直。能方。能大。不必習於事。而所往無不利。若此者何也。直方大之德。含于中。而信于外。雖有非常之舉動。人亦不疑。况尋常之事乎。人不疑于所行。何不利之有。語

云。閉戶造車。出門合轍。君子求諸已而已。柳下惠言中  
倫。行中慮不疑。所行之謂也。程傳本義似俱涉含糊。釋  
六二爻也。

陰雖有美。含之以從王事。弗敢成也。地道也。妻道也。臣道  
也。地道無成而代有終也。

特又抽言地道無成代終。所以警省世之為人臣為人  
妻者。欲其知所取法也。代終則相成。疑陽則必戰。天地  
必然之理也。釋六三爻也。

天地變化草木蕃。天地閉賢人隱。易曰括囊无咎无譽。蓋



言謹也

天地尤不干時。而況于人乎。使不括囊而必欲用也。是天地所不能令。草木嘗蕃者。而人之所蓄幾何。賢人之括囊。即秋冬之收歛。不可不知也。釋六四爻也。

君子黃中通理

黃中順也。正也。通理有條理也。若中無條理。雖順無所用之矣。子思曰。文理密察。足以有別也。

正位居體

正陰之位。居順之體。

美在其中而暢于四肢發于事業美之至也

君子觀于黃裳之義而充實其美位可不論也蓋黃裳元吉為六五言之也

陰疑于陽必戰為其嫌于无陽也故稱龍焉猶未離其類也故稱血焉夫玄黃者天地之雜也天玄而地黃

諸家但言不與陽相從則必戰請問陰與陽戰之光景若何若謂陰陽搏擊則請問玄黃之血若何有戰有血是有形矣可以影響言之乎然而皆不釋所謂喻也嫌于无陽孰嫌之也吾謂此但以况小人之世也小人橫

極之日。自以為無復有君子。而不知固自在也。稱龍以象君子也。君子失時而受傷。所不必言。小人據極盛之勢。不肯安靜。必欲與君子為仇。而尋干戈焉。然亦未嘗不流血也。至于流血。則小人亦何利焉。其曰。天玄而地黃。以天地之大。變君臣兩敗俱傷之時也。可懼之甚也。豈如守其順承。而共享其福乎。坤之五也。尊之極也。而以黃裳得元吉。坤之上也。橫之極也。而以龍戰得元黃。君子小人之用心。不但懸隔。而禍福亦懸。此孰得孰失。亦何去何從乎。

坤之為德也。以配乾也。而坤之為象也。則有所當謹者焉。故聖人寓之于卦。以其承順者。明坤之德。以其疑陽者。嚴陰之漸。易之所貴于占者如此也。

坤之為道也。以柔靜為體。以剛方為用。剛方與柔靜。非有二也。惟其柔而靜也。是以能剛而方也。以其柔靜也。故曰含章。曰括囊。曰黃裳。曰利永貞。以其剛方也。故曰代有終。地道之用。大略可覩矣。惟不守靜而亢陰。而陽施之。則失其常而生害。不善用陰之至戒也。